

सैव । वाचं मिथुनं समभवत्स गर्भभवत्स विश्वान्देवानसृजत तान्दिनूपादधात् ॥ १ ॥ अथोऽब्राहुः । अग्निमेव सृष्टं वसवोऽन्वसृज्यन्त तानस्यामुपादधाद्यायुं रुद्रास्तानन्तरिक्षं आदित्यमादित्यास्तान्दिवि विश्वे देवाश्चन्द्रमसं तान्दिनूपादधादिति ॥ १० ॥ अथोऽब्राहुः । प्रजापतिरेवेमांलोकान्सृष्ट्वा पृथिव्यां प्रत्यतिष्ठत्तस्मादस्मा ओषधयोऽन्नमपच्यन्त तदाश्नात्स गर्भभवत्स ऊर्ध्वेभ्य एव प्राणेभ्यो देवानसृजत येऽवाञ्च प्राणास्तेभ्यो मर्त्याः प्रजा इत्यतो यतमथासृजत तथासृजत प्रजापतिस्त्वेवेदं सर्वमसृजत यदिदं किं च ॥ ११ ॥ स प्रजाः सृष्ट्वा । सर्वमाजिमित्राव्यस्रंसत तस्मादु ह्येतद्यः सर्वमाजिमेति व्येव स्रंसते तस्माद्विस्रस्तात्प्राणो मध्यत उदक्रामत्तस्मिन्नेनमुत्क्रान्ते देवा अजहुः ॥ १२ ॥ सोऽग्निमब्रवीत् । त्वं मा संधेहीति किं मे ततो भविष्यतीति त्वया माचक्षन्तै यो वै पुत्राणां राध्यते तेन पितरं पितामहं पुत्रं पौत्रमाचक्षते त्वया माचक्षन्ताऽअथ मा संधेहीति तथेति तमग्निः समदधात्तस्मादितं प्रजापतिं सत्तमग्निरित्याचक्षतऽआ ह वाऽएनेन पितरं पितामहं पुत्रं पौत्रं चक्षते य एवं वेद ॥ १३ ॥ तमब्रवीत् । कस्मिंस्त्वोपधास्यामीति हितेऽएवेत्यब्रवीत्प्राणो वै हितं प्राणो हि सर्वेभ्यो भूतेभ्यो हितस्तद्वेदेन हितेऽउपादधात्तस्मादाहोपधास्याम्युपदधाम्युपाधामिति ॥ १४ ॥ तदाहुः । किं हितं किमुपहितमिति प्राण एव हितं वागुपहितं प्राणे हीयं वागुपेव हिता प्राणस्तेव हितमङ्गान्युपहितं प्राणे हीमान्यङ्गान्युपेव हितानि ॥ १५ ॥ सोऽस्यैष चित्य आसीत् । चेतव्यो ह्यस्यासीत्तस्माच्चित्यश्चित्य उ एवायं यजमानस्य भवति चेतव्यो ह्यस्य भवति तस्माद्वेव चित्यः ॥ १६ ॥ तदेता वाऽअस्य ताः । पञ्च तन्वो व्यस्रंसन्त लोम तन्नांसमस्थि मज्जा ता एवैताः पञ्च चितयस्तद्यत्पञ्च चितीश्चिनोत्येताभिरेवैनं तत्तनूभिश्चिनोति यच्चिनोति तस्माच्चितयः ॥ १७ ॥ स यः स प्रजापतिर्व्यस्रंसत । संवत्सरः सोऽथ या अस्यैताः पञ्च तन्वो